

R.E.S.L.A.-14930

Oratio ^{De} Natura & Vigore Ingeniorum Septentrionalium,

Quam,
Cum fasces Regiae Academiae Dorpatensis,
IV^{ta} Idus Decembris Anni MDC XCI.

in templo Cathedrali
usitatis deponeret cæremoniis,
habuit
LAURENTIUS MICRANDER,
Medicinæ D. & P.P.



DORPATI,
Excudit Johannes Brendeken, Acad. Typograph.

TARTU ÜLIKOOLO
RAAMATUKOGU

12943077x



Auditores,
Dignitate & honori-
bus illustres, eruditione &
meritis inlyti, literis & virtutibus con-
spicuiatq; spectabiles.

Nondum Altissimus hujus
universi imaginem nostris subduxit
oculis, nondum stellæ in hocce terra-
neo specu micanti, Menti nostræ omnem dem-
sit splendorem, derogavitq; vim, cum eadem
mundi aspectabilis tantum non infinitam rerum
diversitatem, sensuum organis impressam, inq;
cerebro, quasi speculo depictam contemplans,
primam de Creatore earundem concipit cogni-
tionem. Istud quippe expansum subtilissimo re-
pletum æthere, rutilantibusq; distinctum astris;

A

ille

ille diurnus , annuusq; eorundem motus ; illa
fluentium corporum abyssus ; hæc solidorum eo-
rundem congeries , tam variorum seminum fi-
dum conditorum , tamq; diversorum inde pul-
lulantium vegetabilium alma mater terra ; hæcq;
animalium eandem calcantium admiranda varie-
tas , quid , nisi Creatorem Omnipotentem , in-
finitum , eundemq; clementissimum rotundo lo-
quuntur ore , Ejusdemq; gloriæ & sapientiæ ,
post verbum revelatum , amplissima certissimaq;
sunt præconia ? Quod ipsum & divinus cecinit
vates , dicendo , *cœli enarrant gloriam Dei* , *Ope-*
ra manuum Ejus annunciat firmamentum , & ve-
teres Philosophi per Panis corpus hirsutum , rerum
diversitatem exprimens , ejusdemq; cornua in
acutum surgentia & ad cœlum usq; fastigiata ,
rerum naturam instar pyramidis ab inferiori ad
superius acutam esse significantia , mysticè licet ,
scienter tamen & ingeniose indigitarunt . Et sa-
ne nulla non res nostræ obvia investigationi , nos
in sui Creatoris rapit admirationem , deducitq;
cognitionem . Hinc revelationis lumine desti-
tutis , amplissima rerum se ubiq; pandens natu-
ra , Dei Creatoris instillavit notitiam ; adeo ut la-
tialis ille sermonis parens suo exclamarit tempo-
re , nullam gentem esse tam feram , tamq; imman-
suetam , quæ non , et si ignoret qualém Deum ha-
bere debeat , tamen habendum sciat . Quæ scientia ,
non

non tam ex reliquiis amissæ per lapsum imaginis ,
quam ex mundi visibilis aspectu homini na-
scitur . Illam enim cum exserit vim , quâ reliqua
longe antecellit animalia , rerum ideas penitus-
do , inq; earundem ortum , sustentationem & con-
servationem inquirendo , amplissimam de Crea-
tore cogitandi nanciscitur occasionem . Certe
ut mentem nostram ex illa *Macrocosmi* contem-
platione summam percipere utilitatem , maxi-
maq; perfundi jucunditate , extra omnem dubi-
tationis positum est aleam , ita eandem se ipsam ,
propriiq; domicili machinam considerando ,
haud minori , sed multo majori imbuì notitia , ne-
minem inficias iturum spero . Quidquid enim
per universum diffusum contineat mundus , &
unquam sub cognitionem humanam cadere po-
terit , Spiritus & corpus , immortale & morta-
le , materiale & immateriale , in hocce exiguo
corpo homine , quasi in theatro contractum
concentratumq; nostris non tantum sistitur obtu-
tibus ; sed & Mens ipsa libera & sensibus soluta ,
se sola , suaq; ratione utens , partim ad sui ip-
sius , partim ad Creatoris evehitur consideratio-
nem ; adeoq; à priori , ut dicitur , sensuum mi-
nisterio destitura sublimiorem venatur cognitio-
nem ; Quæ multis parasangis priorem illam , à re-
rum corporearum imaginibus & posteriori de-
ductam superat . Hinc omnia quodammodo
novit ,

novit, qui semet ipsum rite novit, & nihil non ignorat, qui semet ipsum ignorat, concatenata enim & indissolubilis tum sui ipsius, cum rerum aliarum est notitia. Unde ipsis gentilibus hanc, utpote viam ad felicitatem ducentem, jam olim Oraculum commendavit Delphicum, dicendo, *Nescete ipsum.* Hec quippe Sapientiae summa est, jam animae magnalia, mox corporis naturam exhibens. Prudentiae quoq; tam universalis quam civilis cardo in eo versari videtur, ut nos bene prius de nobismet ipsis antequam de aliis informemus, atq; quæ natura, quod ingenium, quæ inclinatio penes nos sit, in speculo tam Divino quam Politico diligenter contemplemur; Nec cum eo, qvem nuntius ille divinus vultum in speculo considerasse, & illico qualis fuerit, oblitum fuisse notavit, nostræ sortis plane immemores densa *Philosophia*, seu amoris proprii obruamur caligine, inq; ignorantiae & stultiæ præcipitemur abyssum; Sed ut proprio modulo nos ipsose metiri, ingenuq; lasciviem intra beatos modestiae fines coercere, nec de nobis sublime nimis, neq; abjecte sentire discamus. Ne proinde nonnullorum peregrinantium more, inquilihis & domesticis neglectis vel spretis, rerum exoticarum atq; extra nos positarum inquisitioni omne impendere tempus, omnesq; intendere videamus nervos, patiamini quæso, Auditores, exiguo temporis momen-

to

to aliquam hujus cognitionis considerem partem; atq; de natura & vigore ingeniorum, eptentrionalium, pro facultate ingenii sub gelido hyperboreo axe nati, obiter in præsenti verba faciam. Illum vero facundiæ defectum qui mihi non verborum lenociniis, sed rei veritati operam navanti facile oboriri posset, argumenti dignitatem abunde compensaturam confido.

Ut quod aethereum istud stellarum facibus seu totidem micantibus gemmis adornatum laquear, plusquam fulgentibus perfundit collustratq; radiis, istud principale fulgur, illud flameum jubar, ille caloris fons, ille luminis autor & diei parens, illa vicissitudinum anni mater, illa beata universæ naturæ gratia, ut inquam istud astrorum maximum, eorundem Regem & Monarcham repræsentans, jugi & perenni suorum radiorum, influxu, uno, eodem & univoco in hacce sublunaria operatur modo, diversostamen in iisdens, variosq; produci cernimus effectus; nunc horum scilicet generationem & productio nem, nunc illorum corruptionem, hujus deniq; compositionem & indurationem, illius vero dissolutionem & colligationem. Qui non soli eodem modo & æqualiter igneas undiq; vibranti particulas, sed partim materiae terrestris easdem recipientis constitutioni, situi & distantiae, partim aliorum cælestium terrestriumq; corporum influen-

A 3

influentia, & interpositioni adscribi possunt: Ita
cœlestis illa in hocce terreo domicilio hospes,
illa simplissima substantia, Solis & Regis vicibus
in Microcosmo fungens, Anima rationalis, non
tantum ejusdem in omnibus individuis, secun-
dum suam essentiam est perfectionis, quamq; se-
mel accepit vim & efficaciam, à primo sui in hoc-
ce argastulo ortu, utq; ad ultimum momentum,
quo ejus gaudet confortio, fartam tectam con-
servat, sed & eodem modo atq; univoce, termi-
no utar philosophico, suas continuat operatio-
nes, h. e. rerum imagines per phantasmata sibi
oblatas contemplatur. Ut enim Rex throno in-
fidens regali, eorum quæ in regno, ejusdemq;
partibus maximè dissitis peraguntur, opera auxi-
lioq; ministrorum particeps fit, perq; eorundem
dexteritatem, diligentiam & fidelitatem, quâ in
vitam, actiones, moresq; civium inquirunt, vel
plenam & perfectam, vel superficialem imperfe-
ctamq; suorum nanciscitur notitiam, ita divini
illius luminis scintilla adhuc in Microcosmo mi-
cans, *Anima rationalis*, instar Monarchæ, uni
sui regni, machineæ hujus corporeæ, parti in-
hærens, per suos quasi emissarios, sensus, non tan-
tum in eorum quæ intra domiciliū sui partes pe-
raguntur, sed & rerum externarum pervenit
cognitionem; dum earum motus, impressiones
& phantasmata recipit, imaginandoq; percipit.

Anima

Anima quippe illam quâ pollet, facultatem per-
cipiendi, judicandi & intelligendi, vinculis quam-
diu retinetur mortalitatis, ut plurimum circa
phantasmata consideranda exercens, tantum
percipit, judiciiq; examini subjicit, quantum
phantasia ipsi exhibit; Hæc autem tantum offert,
quantum Spiritus, subtilissima illa in sensationis
organis excubias agentia corpora, ex objecto-
rum impressionibus ipsi sistunt: Eodem ferme
modo ac in camera obscura per vitrum rerum
imagines ad vivum quasi depinguntur, rerum
quoq; idæ, Anima per sensus repræsentantur.
Omnis namq; nostra cognitio, excepta spirituali
illa, mediantibus sensibus ex objectorum im-
pressionibus proficiscitur; Quin nec Mantis acies
in æterna, & sensibus non obvia intendi posse
videtur, nisi vis imaginatrix velut ex aduerso incur-
rat, & corporei similitudinibus res invisibles ve-
stiat; adeoq; verum esse istud Peripateticorum e-
dictum, nihil esse in intellectu, nisi quod prius fuerit
in sensu. Hinc quo aptior organorum struc-
tura, quo melior calidi nativi temperies, eo fa-
cilius rerum imagines recipiuntur, promptius fil-
amentis cerebri imprimuntur, Mentiq; citius si-
stuntur. Quæ easdem pari ac ab imaginatione
suo typo & indice, offeruntur promptitudine, per-
cipit & dijudicat. Adeoq; illa vestigia rerum re-
cipiendi promptudo, illa eadem percipiendi fa-
cilitas,

cilitas, & retinendi tenacitas, in quibus vis inge-
nii, illa Philosopho ^{“φυσια”} nuncupata quam maxi-
mè elucet, Animæ rationali suos non debet
natales. Aut hoc verum, aut Deus, quod absit
cogitatu, magis dictu, invidus, qui mortalium
aliam illis, magnis scilicet excellisq; instructam
dotibus, aliam his ejusmodi facultatibus deditu-
tam concessit Anumam. Ne itaq; recte rationis
dictamini contrarii, inq; S. Nunieni injurii, Ani-
mas rationales quoad perfectionem & imperfec-
tionem substantialiter inter se differre, cum Ca-
preolo, Aegidio, Ferario, Rubino, Academice
Parisiensis Doctoribus, aliusq; adstruamus, illud
animæ cor Platoni, illud Mentis lumen Aristoteli,
hominisq; decus Ciceroni, illam naturalem sa-
pientiam Isidororo dictam, illa nq; ingenivim, &
actionum diversitatem, quā quisq; mortaliū ab
alio, quaq; ab alio neq; consequi neq; discere aliquis
potest, sed talem quisq; obtinent, qualis ipsi à natu-
ra data est, Philosophi utar verbis, illam inquam
ingenii efficaciam, organorum dispositioni, &
exercitationi unicè adscribamus. Artifex quam-
vis excellentissimus quam mente artificii vel con-
sumatissimi concepit ideam, aptis & commodis
destitutus instrumentis opere ipso producere ut
nequit, ita illa in hoc machina non tam opera-
trix quam directrix Anima, nihil non corporeo-
rum peragit ope instrumentorum; Quorum per-
fectio

fectio perfectiori operationi sternit viam. Hæc
autem non arte & industria acquisita, sed insita
& congenita cuiq; ab ipsa contingit natura. Hinc
ille Veterum Philosophorum facile Princeps, libro
de Republica, tria ad juvenum perfectionem &
probitatem requiri statuit, Naturam, Morem &
Rationem; Et dicendi vi excellens Tullius se ob-
servasse fatetur, multos homines excellenti animo
ac virtute fuisse, & sine doctrina, naturæ ipsius ha-
bitu prope divino, per se ipsos & moderatos & gra-
ves exitisse, sapientisq; ad laudem atq; virtutem na-
turam sine doctrina, quam sine natura valuisse do-
ctrinam. Hac naturæ felicitate beatos, ad om-
nes scientias ingenuasq; artes discendas faciles
esse, nihilq; nō sublime attingere, ipsa satis superq;
ut probat experientia, ita quæ illa sit Natura, in
quo consistat, undeq; suam ducat originem, eò
explicatu difficilius, quod rerum naturalium ru-
spatores, hoc ipsum variis diversisq; sententiis irre-
titū clare & distinctè non satis explicarunt; quibus
recensendis occupatos nos dies cum destitueret,
quæ rationis lance ponderata, veritatis æquilibrio
proximè accedere videntur, obiter differam. Illud
rerum naturalium exordium, illam vim pla-
sticam omni creaturæ primâ Creatoris benedi-
ctione, (crescite & multiplicamini,) concessam,
partem seminis fœcundam, ^{τὸ γόνιον} Aristotelii
dictam, ipsamq; adeo Naturam si dixerim, nec
rationis

rationis perceptioni arduum, neq; veritati incongruens quid me dicturum reor. Cœlestis quippe ille terrestri feminis parti incarceratus spiritus, omnipotentiæ divinæ character, *calidum insitum* & *connatum Philosophis dictis*, vi volatili, fermentativa & elastica in ovo materno se expandens, *Calido universalis*, subtilissimæ mundi parti, spiritui astrali & æthereo, Animæ mundi veteribus dictæ, primam influendi occasionem dat, aperitq; viam. Quod universale calidum eo majori copia se seminali insinuat liquori, arctioriq; cum eodem jungit ligatq; nexus, quo idem subtiliori partium mixtura proprius ejus accedit constitutioni & essentiae. Unde genitale calidum novi fomenti accessu auctum, suæ conservationi studens, filamenta nervorum, per quos feratur, texturam viscerum, alimenta in sui nutritionem paraturorum, stamina partium, reliquarum fulcimenta futura, instar architecti, deducit, struit, fabricat. Quam itaq; membra connexionem, quam viscera texturam, quod rutilans ille per arteriosos & venosos canales fluens liquor, una cum reliquis machinæ humanæ partibus, habet temperamentum, seminali illi spiritui, quem *æxīyovov lēguā* Sophi vocarunt, debent. Qui purus, serenus, lucidus & temperatus, purum, temperatum, beneq; dispositum format corpus. Hinc non tam cerebri, nervosiq; systematis subtilitatem, mol-

litiem crassitatemq;, nec capitis magni vel parvi structuram cum Galeno & Aristotele, quam hereditarium & radicale illud spirituum temperamentum, faciliori difficultiorq; idearum receptioni conferre adserimus, idq; primam & primariam diversitatis ingeniorum causam. Illæ naturales vitalesq; inclinationes, quibus unus ad hanc, alter ad illam scientiam artemq; descendam pronus est, illa loquela, morum & gestuum similitudo, qua liberi parentes, natorum aliis alium refert, ex quo alio, quam hocce derivanda venit fontes sic alacres, prompti, ingenioq; aureo gaudentes, quibus de meliori luto finxit praecordia titan, nulla externâ ex morbo vel perversa educatione interveniente causa, liberos pari indolis vi pollentes ut plurimum progenerant, unde istud proverbium, fortis generantur fortibus & bonis; Contra vero inertes & plumbei ingenii homines problem indolis vigore destitutam non raro edunt. Ut enim mores, quod jam olim ille Jatricæ Artis antistes observavit Galenus, ita & ingenia sequuntur temperamentum corporis. Et nisi hoc niterentur fundamento, qui partim cum ætate, ratione climatis, nutritionis & educationis, partim per morborum insultus tam varios subiret mutationes? ut qui in florida ætate ingenio viguerint, in profectiori torpescant, qui sani infelicem habuerint, iudicem morbo vexati felicem nactisint indo-

iem, quod ipsum historiis Medicis facile esset probatu, si id hic ageretur. *Maximè autem commodam ingenii claritati hanc putamus temperiem, cum spiritus puri mediocriter subtilest & aetherei, justa copia innervorum tubulos influendo, eosdem nec distendi nimis, neq; flaccescere sinnunt, sed partium exiguitate nec plus justo divisi, neq; earundem mole & tenacitate nimis coacti, objectorum in organa sensationis impingentium motus facile recipiunt, firmiter retinent, & communis fideliter communicant sensorio. Quos naturæ benignitas hocce spirituum æquilibrio beatit, illi nec celeres & præcoces, neq; tardi & stupidi, sed grata mediocritate temperati & excellentes sunt, in quibus natura cum arte æqualiter certat.* *Quod animæ sapientis temperamentum ille artis sacræ parens Hippocrates jam olim agnoscit, dicendo: porro de animæ sapientia ac desipientia hoc modo se res habet, quod humidissimum est in igne & siccissimum in aqua, si in corpore temperamentum acceperint, sapientissima sunt. Quibus verbis, hic civitate latiali donatis, concisè licet, nervosè tamen ille naturæ mysta humidum radicale ignis, & calidum innatum aquæ expressit, quæ duo elementa inter se temperata corporis nostri spiritum, seu Archeum constituunt. Cujus temperies, quæ hæreditaria & connata audit, à sangvinis & membrorum ascititia & acquisi-*

ta

ta licet transformari nequeat, ut idem cuius jam modo celebravi nomen, contestatus est autor, pronunciando *Naturam obscuram transformare non esse possibile*; multum tamen alterari potest; alimenta quippe, regiones, exercitia & educationes, magna vi temperamenta alterandi possunt. Verum, cum quam sangvis habet mixtum, quam partes posituram, Spiritui miscenti & moventi debeat; hic cum Galeno & Aristotle non prodest sollicitè inquirere, an temperamentum sanguineum, cholericum vel melancholicum, an vero cholericum melancholico. junctum maximum ingenio conciliat vigorem. Hanc vero naturæ benignitatem experti, in quæ hæreditaria illa nobilitas, si quæ datur, collaudanda ut est, ita non tam sublimioris, uti non nulli sibi imaginari solent, quam inferioris sortis hominibus eam non raro contingere observare licet, debita non adhibitâ exercitatione sæpe valde degenerant. Unde quod Heroum filii noxæ fuerint, jam multorum exempla comprobarunt. Ut enim semina, quamvis nobilissima, nisi terræ molli & exultæ commissa, nisi calidi universalis fotu calefacta, nisi pluviali nectare humectata, nullum vel exiguum ferunt fructum; pari fermè modo præstantissima ingeniorum semina, nisi rerū honestarum simulacris involuta, nisi sapientiae sale condita, roridoq; virtutum liquore aspersa,

B3

sæpe

sæpe vitiorum & illecebrarum spinis oppressa
marcescunt, putrescant.

Verum enim vero Vos, Auditores, ingenii
præstantiam ex quibus in genere manat fonti-
bus, jam ex dictis quodammodo percepisse spe-
ro: hanc vero genti sub gelidis degenti trioni-
bus attribuere an audeam, & Vos audiendi ex-
spectatione suspensos, & me edicendo hæsitan-
tem percipio. Ast Dei omnipotentis ineffabi-
lem clementiam, qua Spiritum suum in Aquilo-
ne quieturum, per diserta prædixit Sacrorum
Vatum ora, naturamq; minime novercam, sed
in dispertiendis ingeniorum dotibus per quam ju-
stam & benignam matrem, unà cum aliis ex
Hyperboreorum actionibus, corporibus & mo-
ribus deductis rationibus, accuratori rationis
indagini cum subjicimus, quale populo Se-
ptentrionali concedendum sit ingenium, vel me-
tacente, & Vobis, Auditores, innotescit, & mi-
hi idem in præsenti adstruendi declarandiq;, o-
mnis non tantum adimitur metus, sed & sum-
ma additur fiducia. *Illa* proinde ingenii vis,
quam primi parentes universali terræ inundatio-
ne superstites suis communicarunt filiis, quamq;
Japhetus insulas gentium, hasq; Septentrionales
incolens oras, in suos disseminavit posteros, si in
aliquâ, certe non alia magis quam Hyperborea
gente adhuc vigeret floretq;. Si enim verum,

qualis

qualis causa talis effectus, si verum, ut quidem ve-
rissimum, quod ab ipso veritatis ore profectum,
bona arbor bonos producit fructus, sequitur utiq;
Japhetum Septentrionalium parentem, eundem
ingenii vigorem, quem ipsi haud minorem quam
fratri Semo, à genitore Noacho fluxu seminis
communicatum fuisse, tum naturæ lex, cum
actiones ejus comprobarunt, in suos propagasse
liberos. Audivisti autem, Auditores, clarita-
tem indolis, Spirituum subtilitati, ceu proprio
inniti fulcro; eorumq; ingenia, nec præcoccia
nimis, neq; tarda, sed firma, agilia, verbo ex-
cellentia existere, quorum Spiritus subtile temperatâ calidi & humidi gaudent constitutione:
Jam vero Aquilonarium corpora, frigore exter-
no constricta, adeoq; minutissima fibrarum,
filamentorumq; interstitia habentia, cum subti-
lissimum suis poris recipiunt ætherem, tum hu-
midum seri, quod alias in rariori corporis textu-
ra citius evaporaret, coarctant magisq; retinent,
adeoq; non tantum subiles vehunt spiritus, sed
& optimo, utpote vitæ accommodatissimo, *Ca-*
lidi & *humidi* gaudent temperamento. Hinc
cum majorem calidi habeant copiam, juxta illud
Hippocratis, *Ventres hyeme calidiores*, majori
quoq; indigent fomento, unde plus cibi appeten-
tes, majoraq; inde nutrimenta capientes corpo-
ris proceritate, robore & venustate, animi vero
magni-

magnitudine & vigore, australes & Orientales
omni superarunt aeo. Quod ipsum variorum tam
Veterum, quam recentiorum Autorum consen-
su, diversisq; rationibus, ex corporum, cum ho-
minum tum brutorum, in terra boreali viven-
tium, naturâ deductis ulterius adstruere haud
intermitterem, nisi experientia ipsa omni ratio-
ne potior, id satis superq; evinceret; adeoq; cœ-
lo stellas, mari aquas, igni lucem addere velle
viderer. Audiamus saltem Veterum unicum,
artis nostræ si non fundatorem, certe restaura-
torem celebrem Coum, hoc modo, libro de aeris
bus, aquis & locis, hanc rem explicantem; Qua-
re etiam magnanimos magis eos, qui Europam in-
colunt, Asiaticis judico; ut & Capite LVIII. ejus-
dem libri; Ubi autem Regio est nuda, naturâ mu-
nita & aspera, quaq; & à frigore hyberno prema-
tur, & à sole astivo exuratur, ibi duros & robu-
stos, articulisq; probe disjunctis, vegetos & hirsutos
reperias homines, in quibus à natura laboris tol-
erantia & vigilantia insit: quiq; mores habeant per-
tinaces, ad iram proclives, & contumaces, ma-
gisq; feritate participantes quam mansuetudine; in-
super ad artes etiam acutiores & plus solertes, &
ad res bellicas gerendas aptiores. Omnia egregia
veritati quam proximè accedunt, modo feritas
illa, quam Europeis addit, quæq; omni genti per
naturam competit, & non nisi per institutionem,

& studio

& studio philosophiæ corrigi potest, recte intel-
ligatur. Boreales namq; mundi plagas ab æqua-
tore remotiores qui inhabitant, corporis non
tantum labore, quod nec insitum calorem exte-
rior excedens evocet, neq; frigus ambiens hu-
morem perurat, sed & animi vigore, gentes lo-
ca lineæ meridionali propria incolentes mul-
tum antecellunt. Et quid ni antecellerent?
Cum illa *πορεία σώματα*, seu impetum facientia
Hippocrati, illa ætherea Galeno dicta corpora, illi
fensus & motuum artifices, illi vitæ autores,
non aliis, magis quam his, pura, serena & luci-
da contingant: Pura, quia ex sangvine non otio
& quiete torpescente, sed per indecessum laborem,
variamq; aeris alimentorumq; mutationem atte-
nuato generantur: Serena vero & lucida, quia
per membra non calore externo resoluta, sed fri-
gore constricta non crassus & nebulosus aer, sed
purum illud & serenum astrorum lumen, occul-
tus ille vitæ cibus, spiritus ruit æthereus: Qui
vitæ instrumento, Archeo Microcosmi, se jun-
gens eundem fovet, suscitat, vegetat. Ne vero
quis cogitet borealem aeren, tempore brumaii,
quo sol maximè obliquos in oras polares mittit
radios, crassum & impurum esse, sciat illi
tunc maximè purum & serenum existere; Glo-
buli quippe cœlestes à particulis solaribus minus
moti, se invicem arctius tangunt, premuntq;, adeoq;

C

adeoq; particulas crassiores, terrestres & aquo-
fas excludentes non nisi subtilissimam mundi ma-
teriam admittunt, suisq; recipiunt poris. *Animi*
autem vim corporis vigorem naturaliter sequi,
nemo unquam negabit, præter Wolfgangum
Heiderum quondam Professorem Genensem, qui
in *Oratione de Germanorum Veterum & recen-*
tiorum collatione, gentes robore corporis pollentes,
acumine mentis fere destitui, idq; plerisq; septentrionalium evenire, sine ratione adfirmavit. Corpore
enim vigentes, membrorum aptâ conformatio-
ne, sanguinis optima temperie, spirituum justa
copia, & jugi gaudent influxu, quæ omnia, cor-
pore agiles, animo promptos & solertes non pos-
sunt non reddere homines. *Quod vero illa na-*
turalis ingenii vis institutione, & justa cultura
destituta, non raro in ferocitatem degeneret, &
ubi se non virtutum, virorum prodat exercitio,
non naturæ, ejusq; clementissimo autori, sed e-
ducationi vel neglectæ vel pravæ imputari debet.
Ingenium namq; quamquam sponte nascitur,
studio tn. & doctrina plurimum adjuvatur; adeo
ut difficile dictu sit, utrum plus adferat ad ingenii
laudem natura an diligentia; sane si parti utrilibet
omnino alteram detraxeris, natura sine do-
ctrina multum valebit, doctrina nulla sine natu-
ra esse poterit, Quintiliani mea ut faciam verba.
Quam vero Arctoi Orbis incole ex naturæ beni-
gnitate,

gnitate, ut jam audivisti, nacti fuere indolis effi-
ciam, omnes iisdem exercitiis & artibus non
excoluisse facile ei patebit, qui pro locorum, quæ
incolebant, diversitate, eos diversis quoq; se
asseverasse laboribus perpendit. Terras namq;
informes, saxis arboribusq; obsitas, cultu & a-
spectu tristes qui accepere excolendas, non aliis,
quam quæ culturæ terræ, vitæq; subsidiis maxi-
mè conducebant, utpote sylvarum cæsuræ, saxo-
rum congestioni, agrorum explanationi, fera-
rum venationi, pisciumq; capturæ, vacabant
exercitiis. *Qui vero planiora cultuq; faciliora*
invenere loca, de laboris tolerantia & illa Ma-
jorum diligentia multum temporis tractu remisere;
adeoq; desidiae se dederunt; voluptatumq; ille-
cebris, fertiliore terra plura libidinum fomenta
suppeditante, magis magisq; se contaminarunt.
Cumq; exercitium mediocre, & labor
tantum non excedens, membra robusta, lacertos
fortes, corpus vegetum, spiritus vividos, ani-
mumq; reddit acutum, juxta illud Plinii, *culta-*
râ corporis animus sustinetur; illi Borealium na-
tivam ingeniorum vim, quam maxime incorruptâ
excultamq; servarunt, quibus minor locorum fer-
tilitas, cum mediocre corporis exercitium impo-
suit, tum angustius tempus, occasionesq; rari-
ores se libidinibus maculandi exhibuit. Sic ma-
jorum nostri antiquissimi, Scythæ & Gothi terram

Septentrionis polo propiorem saxonam & minus fertilem, olim Scandiam, nunc Sveciam & Norvegiam nuncupatam incolentes, paupertate magistra, officia continuae sobrietatis exercentes, nativam coporis animiq; vim non tantum diutissime illæsam retinuisse, sed & variis scientiis artibusq; mirum in modum excoluisse, res ab illis præclaræ gestæ, earumq; monumenta, varia memoriae annaliumq; genera, abunde testantur. Illæ copiosissimæ coloniæ in vicinas terras missæ, illi numero & fortitudine conspicui exercitus, gentium terrores, quibus reliquas totius Europæ partes, gentium Officina, Scandia sibi subjicit, quid nisi populi Gothici Sobrietatem & castitatem rotundo loquitur ore? quibus tum corporis animiq; robur, cum prolis summam obtinuit fecunditatem. Illa poetica carmina, Scalder dicta, quibus antiquissimi Hyperborei annalium vices supplebant, quid nisi eorundem insignium virtutum & ingenii excellentis verissima sunt præconia? quibus se inter Europeos primos, & res memoria dignas perpetrasse, & vigorem ingenii, quo easdem posteris communicare noverunt, certo certius demonstrarunt. Illa aurea ab Iduna in Septentrione conservata, ab Hercule abrepta, inq; Ægyptum ablata deinceps vero Septentrionalibus à Minerva restituta poma, una cum Virga Mercurii, & characteribus runicis ipsi inscul-

insculptis, quid inquam aliæd, quam stupendissimi illius artificii, literarum inventionem hyperboreis vindicant. Quas felici sydere inventas partim loci egestate pressi, partim bellis, vicinorumq; incursionibus occupati, aliqua temporis intercedente, pro ingenii modulo excolere quod intermisserint, cum de salute & libertate solliciti præclara facere quam scribere maluerint; haud mirum, si exterorum nonnulli, otio & rerum copiâ abundantes, acceptas à Gothis literas, chartâ, prælo, & typis inventis, auxerint magisq; excoluerint, cum inventis addere facile sit; Sed admiratione dignius, quod isti ejusmodi subfidiis adjuti, tam in spirituali, quam Naturali scientia vix tantum ac Septentrionales illi proficerint. Quantæ enim venerationi religio illis semper fuerit; quantâ certitudine animæ immortalitatem crediderint; quâ animi constantia mortem oppetierint, quoq; inextinguibili desiderio pereniendi in Deorum patriam, illud animarum fætiter defunctorum receptaculum, Valhallam & Gudheim illis appellatum, arserint; Deorum quamvis idolorum cultus, mortis contemptus, vivorumq; concremationes, vetustissimis septentrionalium Gothis receptæ & usitatæ satis superq; declarant. Quam vero Coeli in hæcce sublunaria operationes, astrorum motus, mineralium deniq; animalium & vegetabilium vires accurate

+ 2000

observarint, vulgi nostri de temporum tempesta-
tisq; vicissitudinibus præsagia , runici scipiones,
ægrotantium medelæ, agrorum culturæ, variæq;
alix ingeniosæ actiones abunde probant. Quan-
tum vero lumen stupendis literarum facibus pri-
mitus à nostris majoribus accensis (horrendis ido-
lolatriæ tenebris dispulsis, & foedis papalibus su-
perstitionibus eradicatis) à fulgentissima Christiana
accesserit religione , quantaq; artes libera-
les nonnullis seculis ceperint incrementa, purus
S. Numinis cultus, clarissima evangelica religio,
vera Catholica fides, tot deniq; eruditorum coe-
tus, & literarum Officinæ, certissima evidentissi-
maq; sunt documenta. Et ne quid heic de Se-
ptentrionalium moribus , ingeniorum nonnun-
quam certissimis indicibus, illa scilicet Gothorum
sinceritate, modestia & fide, dicam; ad quas vir-
tutes naturali quadam ut feruntur propensione,
ita easdem nativas & illibatas quam diutissime
conservant, quando ab exterorum fastu, arro-
gantia & astutia non contaminantur; Cum non
tam ex Corporis, Organi Mentis, constitutione,
quam ex Voluntatis ejusdem circa actiones de-
terminatione, ceu proprio fluant fonte , amplis-
simamq; adhuc dicendi suppedient materiam;
Hisce subsisto, siquidem quæ de Natura & vigore
ingeniorum Septentrionalium , secundum
Naturæ leges, hac vice , dicere con-
stitucrum, dixerim.